

Na osnovu člana 4. Pravilnika o kriterijima, načinu i postupku raspodjele sredstava iz Budžeta grada Cazina u svrhu subvencioniranja i mjera poticaja privatnim preduzećima i poduzetnicima u cilju sanacije posljedica u privredi uzrokovanih pandemijom koronavirusa (bolesti covid-19) i razvoja privrede, a u vezi sa realizacijom Budžeta grada Cazina, konkretno pozicije „Subvencija privatnim preduzećima i poduzetnicima“ i člana 8. Odluke o izvršavanju Budžeta grada Cazina za 2020.godinu, Služba za privredu grada Cazina raspisuje:

## **JAVNI POZIV**

za subvencioniranje usluga odvoza smeća, komunalne naknade i vodnih usluga za mjesec mart i april 2020.godine iz sredstava Budžeta grada Cazin

### **I - PREDMET JAVNOG POZIVA**

Predmet Javnog poziva je raspodjela sredstava iz Budžeta grada Cazina u svrhu subvencioniranja i mjera poticaja privatnim preduzećima i poduzetnicima u cilju sanacije posljedica u privredi uzrokovanih pandemijom koronavirusa (bolesti covid-19) i razvoja privrede, a odnosi se na subvencioniranje usluga odvoza smeća, komunalne naknade i vodnih usluga.

### **II -NAMJENA SREDSTAVA**

Sredstva iz Javnog poziva su namjenjena za subvencioniranje usluga odvoza smeća, komunalne naknade i vodnih usluga.

### **III - KORISNICI SUBVENCIJA**

Korisnici subvencija su privatna preduzeća i poduzetnici kojima je naredbama Federalnog štaba civilne zaštite i Kantonalnog štaba civilne zaštite USK-a zabranjen ili obustavljen rad zbog proglašenja stanja nesreće uzrokovane pandemijom koronavirusa (bolesti covid-19) odnosno proglašenja stanja prirodne nepogode, a koja imaju sjedište na području grada Cazina. Pod privatnim preduzećima se smatraju i poslovne jedinice koje imaju sjedište na području grada Cazina, ali pod uslovom da je osnovno preduzeće također sa sjedištem na području grada Cazina.

### **IV- PRIJAVA NA JAVNI POZIV I POTREBNA DOKUMENTACIJA**

Prijava na Javni poziv se vrši putem Prijavnog obrasca koji je sastavni dio ovog Javnog poziva.

Uz prijavu na Javni poziv dostavlja se i slijedeća dokumentacija:

- a) Sudsko rješenje o registraciji preduzeća (za pravna lica ili poslovne jedinice) ili rješenje o registraciji od nadležnog organa (za fizička lica-poduzetnike),
- b) Uvjerenje o poreznoj registraciji poslovnog subjekta (ID broj),
- c) Obavijest o razvrstavanju poslovnog subjekta prema djelatnosti,
- d) Rješenje JU Komunalno stambeni fond Cazin o utvrđenom iznosu komunalne naknade za 2020.godinu,
- e) Račune JKP „Čistoća“ d.o.o.Cazin za usluge odvoza smeća za mjesec mart i april 2020.godine,
- f) Račune JKP „Vodovod“ d.o.o.Cazin za vodne usluge za mjesec mart i april 2020.godine,

Naprijed navedeni dokumenti se dostavljaju u kopiji.

Dokumenti pod tačkom d), e) i f) moraju glasiti na privatna preduzeća ili poduzetnike (podnosiocje zahtjeva) iz tačke 3. ovog Javnog poziva, a isti se dostavljaju ovisno o traženoj subvenciji.

#### V- OBRADA PRIJAVA

Služba za privredu će obraditi prispjele zahtjeve u pogledu ispunjavanja uvjeta, nakon čega će se sačiniti prijedlog Odluke o usvajanju liste korisnika sredstava koji će se subvencionirati i liste podnosioca zahtjeva čije su zahtjevi za subvencioniranje neblagovremeni, nepotpuni ili neosnovani, koja će se dostaviti Gradonačelniku na usvajanje.

Odluka o usvajanju liste korisnika sredstava koji će se subvencionirati i liste podnosioca zahtjeva čije su zahtjevi za subvencioniranje neblagovremeni, nepotpuni ili neosnovani, će se objaviti na web stranici grada Cazina ([www.opcinacazin.ba](http://www.opcinacazin.ba)) i oglasnoj tabli.

#### VI - NAČIN PODNOŠENJA PRIJAVE

Rok za podnošenje prijave je 30 dana od objave Javnog poziva.

Prijave sa prijavnim obrascem i svom potrebnom dokumentacijom propisanom Javnim pozivom, dostavljaju se na mail adresu: [privreda@gradcazin.gov.ba](mailto:privreda@gradcazin.gov.ba) ili u zatvorenoj koverti preporučenom poštom ili lično na protokol Grada Cazina (šalteru broj 1.) na slijedeću adresu:

**Grad Cazin**

**Trg Prvog predsjednika Predsjedništva RBiH Alije Izetbegovića bb,**

**77220 Cazin**

**sa naznakom:**

**„NE OTVARATI“ - Prijava na Javni poziv za subvencioniranje usluga odvoza smeća, komunalne naknade i vodnih usluga za mjesec mart i april 2020.godine iz sredstava Budžeta grada Cazina**

Prijave dostavljene drugim putem, kao i neblagovremene i nepotpune prijave se neće razmatrati.

Broj: 01/GN-15-7061-2/20

Cazin, 30.04.2020.godine



SLUŽBA ZA PRIVREDU

Pjanić Admir, dipl.pravnik